

Surat khabar: Utusan Borneo (Tempatan)

Hari/Tarikh: 1/12/2013

Muka surat: 3

Tajuk : Festival Muzik Pujian Redeems Semarakkan Lagi Sambutan Krismas.

## Festival Muzik Pujian Redeems semarakkan lagi sambutan Krismas

**BAU:** Acara paling dinantikan, Festival Muzik Pujian Redeems (RPMF) bakal membuka tirai pada 6 hingga 8 Disember ini bagi menyemarakkan lagi sambutan perayaan Krismas pada 25 Disember 2013.

Pengerusi Redeems Datuk Peter Nansian Ngusie berkata festival kali ini akan menampilkan 15 kumpulan muzik gereja dari sekitar kawasan Singai, Bau dan Kuching termasuk Indonesia dan pelajar Nigeria daripada UNIMAS.

"Festival Muzik Pujian Redeems merupakan salah satu daripada empat acara utama yang dilangsungkan di Pusat Redeems bermula dengan Karnival Sukan Belia



**PETER NANSIAN**

(Mac), Festival Gawai (Jun) dan Festival Makanan (September).

"Tahun ini merupakan kali ketiga RPMF dianjurkan bertujuan memperkukuhkan perpaduan dan persahabatan antara masyarakat di kawasan ini terutama dalam kalangan

generasi muda," katanya ketika ditemui pada Ekspedisi Mendaki Gunung Singai semalam.

Nansian yang juga Menteri Muda Khidmat Masyarakat serta Ahli Dewan Undangan Negeri (ADUN) Tasik Biru dalam pada itu menjangkakan sekitar 3,000 orang akan menghadiri festival tersebut yang bermula seawal jam 7 malam 6 Disember dan diakhiri dengan Perayaan Missa Kudus oleh Bishop John Ha pada pagi Ahad.

Dalam pada itu, sejak pengumuman pertama festival ini pada 2011, RPMF muncul sebagai antara acara paling dinantikan oleh golongan muda di daerah ini menjelang

sambutan Hari Krismas.

Melibatkan kumpulan muzik dan koir daripada pelbagai cabang gereja dari sekitar daerah ini amnya, RPMF merupakan platform terbaik bagi menarik penglibatan muda-mudi dalam aktiviti kerohanian.

Malah Nansian yakin acara festival ini merupakan langkah paling berkesan untuk membentuk golongan muda yang berdisiplin dan berakhlak tinggi.

Justeru katanya, acara ini akan diperhebatkan pada masa akan datang dengan menjadikannya bertaraf antarabangsa menerusi penglibatan kumpulan muzik dari luar negara seperti Indonesia, Singapura dan Filipina.